

Bosna i Hercegovina  
Federacija Bosne i Hercegovine  
TUZLANSKI KANTON  
Ministarstvo prostornog uređenja  
i zaštite okoliće

Broj: 12/01-1-19-017541/26  
Tuzla, 31.08.2026.godine

Ministarstvo prostornog uređenja i zaštite okoliće, rješavajući po zahtjevu "PGL Protect" d.o.o. Lukavac za izdavanje dozvole za aktivnosti male privrede u upravljanju otpadom, a na osnovu člana 12. i 13. Zakona o upravljanju otpadom ("Službene novine Federacije BiH" broj: 33/03 i 72/09, 92/17 i 72/24), člana 23. Pravilnika o izdavanju dozvole za aktivnosti male privrede u upravljanju otpadom ("Službene novine Federacije BiH" broj: 58/24 i 36/26 ) i člana 200. Zakona o upravnom postupku ("Službene novine Federacije BiH" broj: 2/98, 48/99 i 61/22 ), **donosi:**

## **RJEŠENJE**

### **o izdavanju dozvole za aktivnosti male privrede u upravljanje otpadom**

**1. Izdaje se** dozvola za upravljanje otpadom operateru "PGL Protect" d.o.o. Lukavac, na lokaciji Bistarac, parcela broj: 2366 (n.p.) KO Bistarac, Grad Lukavac.

#### **2. Vrsta aktivnosti upravljanja otpadom**

Vrsta djelatnosti upravljanja otpadom:

a) djelatnost zbrinjavanja otpada postupkom D 15

b) djelatnost obrade postupkom R 5

Aktivnosti koje se trenutno obavljaju u postojećem objektu odnose se na otkup rabljenih guma, sortiranje – tretman i protektiranje guma.

#### **2. Vrsta i količina otpada koji je predmet postojeće ili predviđene aktivnosti:**

Vrste otpada koje "PGL PROTECT" d.o.o. Lukavac, može tretirati na predmetnoj lokaciji, u skladu sa članom 5. Pravilnika o kategorijama otpada sa listama ("Službene novine Federacije BiH" broj: 9/05) su:

**16 01 03** stare gume

Količina ovog otpada iznosi 82,5 t/mjesečno ili 4 t/dan

#### **3. Podaci o porijeklu i daljem odredištu otpada**

Proces upravljanja otpadnim-rabljenim gumama započinje sistemom sakupljanja i preuzimanja otpadnih (rabljenih) guma teretnog programa za protektiranje koje se uvoze iz zemalja EU (najčešće Italija, Holandija), kao i zemalja van EU (najčešće Japan).

Nakon preuzimanja otpadnih guma vrši se sortiranje i privremeno lagerovanje na prostoru predviđenom za skladištenje guma na otvorenom skladišnom prostoru u krugu pogona do konačnog tehnološkog procesa – protektiranja koje se vrši u proizvodnom pogonu.

Tehnološki process protektiranja rabljenih guma odvija se u zatvorenom i kontrolisanom radnom okruženju, uz uz primjenu odgovarajuće opreme i mjera zaštite okoliša. Otpad koji nastaje u procesu protektiranja rabljenih guma je gumena prašina (obrusak) koji se odlaže u jumbo vreće od polipropilenske tkanine. Gumena prašina se u daljem postupku odlaže na za to predviđeno mjesto u krugu firme, a zatim ide u prodaju.

## **5. Opći tehnički zahtjevi za rad, kontrolu i monitoring**

Opći uslovi upravljanja otpadom:

- a) da je onemogućeno istjecanje oborinske vode koja je došla u doticaj s otpadom na tlo, u vode podzemne vode i more ili je onemogućeno da otpad dođe u doticaj s oborinskom vodom,
- b) da je onemogućeno raznošenje otpada u okoliš, odnosno da je onemogućeno njegovo razlijevanje i ispuštanje u okoliš,
- c) da građevina ima podnu površinu otpornu na djelovanje otpada,
- č) da je neovlaštenim osobama onemogućen pristup otpadu,
- ć) da su na vidljivom i pristupačnom mjestu obavljanja tehnološkog procesa postavljene upute za rad,
- d) da je mjesto obavljanja tehnološkog procesa opremljeno rasvjetom,
- đ) da je do lokacije upravljanja otpadom omogućen nesmetan pristup vozilu,
- e) da je lokacija upravljanja otpadom opremljena opremom i sredstvima za čišćenje rasutog i razlivenog otpada ovisno o hemijskim i fizičkim svojstvima otpada,
- f) da je lokacija i objekti na njoj osigurana sistemom protupožarne zaštite,
- g) da je lokacija ograđena i da se nalazi pod fizičkim ili video osiguranjem,
- h) da je lokacija i objekti osigurani vodosnabdjevanjem sa pritiskom za nesmetano funkcioniranje protupožarnog Sistema,
- i) da operator u stalnom random odnosu ima zaposlena najmanje tri zaposlenika sa punim radnim vremenom, od toga najmanje jedan s viskom stručnom spremom.

Obaveza je podnosioca zahtjeva da Ministarstvu prostornog uređenja i zaštite okolice dostavi godišnji izvještaj o ispunjenju uvjeta iz dozvole najkasnije do 31. marta naredne godine za prethodnu godinu (Uredba o obavezi dostavljanja godišnjeg izvještaja o ispunjenju uvjeta iz dozvole za upravljanje otpadom ("Službene novine Federacije BiH" broj: 31/06).

## **6. Mjere predostrožnosti koje se trebaju preduzeti**

Imalac otpada dužan je preduzeti adekvatne mjere za upravljanje otpadom i osigurati osnovne mjere u cilju sprečavanja stvaranja otpada, recikliranja i tretiranja otpada za ponovnu upotrebu, ekstrakciju sirovina i moguće energije, te sigurno odlaganje.

Zabranjeno je napuštati, gomilati, odlagati ili tretirati otpad bez nadzora.

Zabranjeno je mješati različite vrste otpada osim ako se tako omogućava povrat sirovina i/ili odlaganje.

Otpad se odlaže samo ako nije moguće korištenje njegovog materijala i/ili energije u postojećim tehničkim i ekonomskim uvjetima i ako su troškovi ponovnog korištenja nerazumno visoki u poređenju sa troškovima odlaganja.

Sve aktivnosti trebaju se poduzimati tako da imaju veoma mali uticaj na okoliš i ljudsko zdravlje, smanjuju opterećenje i korištenje okolinskih resursa, ne ugrožavaju ljudsko zdravlje ili zagađuju okoliš, smanjuju količine i štetne uticaje otpada, unapređuju ponovno korištenje i reciklažu otpada i sigurno odlaganje otpada.

Radi zaštite od buke potrebno je primjenjivati tehničke i organizacijske metode koje podstiču: smanjivanje stvaranja emisija buke ili vibracija, odnosno izvora koji stvaraju buku ili vibracije.

Vršiti kontrolu ispravnosti pogona i uređaja uključujući uređaje iz sistema protupožarne zaštite i opreme i uređaja koji su u funkciji zaštite okoliša.

U cilju kontinuiranog praćenja stanja okoliša koje se odnosi na funkcionisanje projekta za prijem, sortiranje, lagerovanje i protektiranje rabljenih guma operator je obavezan na:

-mjerjenje nivoa buke u okoliš i u radnoj sredini (kontrolno mjerjenje od strane akreditovane laboratorije)

-mjerjenje koncentracije lebdećih čestica tokom procesa protektiranja (obnavljanja) rabljenih guma (kontrolno mjerjenje od strane akreditovane laboratorije).

#### **7. Period na koji se dozvola izdaje**

Dozvola se izdaje na period od 5 godina od dana izdavanja ovog rješenja. Zahtjev za produženje dozvole podnosi se Ministarstvu prostornog uređenja i zaštite okolice Tuzlanskog kantona prije isteka važenja predmetne dozvole.

#### **8. Obaveza operatora da nakon prestanka obavljanja aktivnosti upravljanja otpadom vrati lokacije i ostale kategorije obuhvaćene uticajem aktivnosti u stanje prije početka obavljanja aktivnosti:**

Ukoliko dođe do prestanka rada iz okvira djelatnosti preduzeća "PGL PROTECT" d.o.o. Lukavac na predmetnoj lokaciji, isti je obavezan da o tome obavjesti nadležni organ u pisanoj formi o poduzetim mjerama nakon zatvaranja odnosno prestanka obavljanja aktivnosti za koje je izdana dozvola za upravljanje otpadom, navedenim u Elaboratu upravljanja otpadom.

### **OBRAZLOŽENJE**

"PGL Protect" d.o.o. Lukavac podnio je Ministarstvu prostornog uređenja i zaštite okolice Tuzlanskog kantona zahtjev za izdavanje dozvole za aktivnosti male privrede u upravljanju otpadom na lokaciji Bistarac, Grad Lukavac.

Pregledom dokumentacije priložene uz zahtjev utvrđeno je da je Zahtjev za dozvolu podnesen u skladu sa članom 16. Pravilnika o izdavanju dozvole za aktivnosti male privrede u upravljanju otpadom ("Službene novine Federacije BiH" broj: 58/24 i 36/26).

Uz zahtjev su podneseni i prilozi:

1. Elaborat o upravljanju otpadom (Rudarski institut Tuzla, maj 2026.godine),
2. Prilog II. Obrazac zahtjeva za izdavanje dozvole,
3. Zemljišnoknjižni izvadak broj:167 i 1178 KO Bistarac,
4. Posjedovni list broj:1634 KO Bistarac,
5. Broj i struktura zaposlenih, lista osiguranih lica,
6. Izvod iz prostornog plana općine Lukavac od 08.05.2026.godine ,
7. Kopija izvoda iz katastra broj: 8 KO Bistarac,
8. Rješenje o upotrebi poslovnog objekta od 26.02.2008.godine, općina Lukavac,
9. Rješenje o vodnoj dozvoli od 25.05.2023.godine izdato od Ministarstva poljoprivrede, šumarstva i vodoprivrede TK,
10. Taksa za izdavanje dozvole za upravljanje otpadom.

Dana 23.07.2026. godine izvršen je komisijski pregled na licu mjesta, sačinjen zapisnik broj: 12/1-19-017541/26 od 23.07.2026.godine kojim je konstatovano da operater ispunjava opće i posebne uvjete za obavljanje djelatnosti upravljanja otpadom.

Nakon pozitivne ocjene dostavljene dokumentacije i pozitivnog mišljenja Komisije za utvrđivanje ispunjenosti općih i posebnih uvjeta upravljanja otpadom, Ministarstvo je u skladu sa članom 12. i 13. Zakona o upravljanju otpadom ("Službene novine FBiH" , broj:

33/03, 72/09 i 92/17) i člana 23. Pravilnika o izdavanju dozvole za aktivnosti male privrede u upravljanju otpadom ("Službene novine FBiH", broj:58/24 i 36/26) odlučilo kao u dispozitivu ovog Rješenja.


Nosilac zahtjeva je, na osnovu TAR: broj 50 Zakona o kantonalnim administrativnim taksama i tarifi kantonalnih administrativnih taksi ("Službene novine Tuzlanskog kantona" broj: 06/12, 15/13 i 10/18), platio taksu u iznosu od 200,00 (dvijestotine) KM, a izvještaj o uplati je u spisu ovog predmeta.

Na osnovu naprijed navedenog, a shodno odredbama člana 16. Pravilnika o izdavanju dozvole za aktivnosti male privrede u upravljanju otpadom, doneseno je Rješenje kao u dispozitivu.

## POUKA O PRAVNOM LIJEKU

Protiv ovog Rješenja je dopuštena žalba Federalnom ministarstvu okoliša i turizma u Sarajevu u roku od 15 dana od dana prijema Rješenja.

Žalba se podnosi putem ovog Ministarstva ili putem pošte, a taksira se sa 10 KM kantonalne administrativne takse na Tuzlanski kanton kod Tuzlanske banke na račun broj: 132-100-02560000-80, sa naznakom za vrstu prihoda broj: 722121.



**MINISTAR**  
**Anela Ajšić BA ing.grad.**

### Dostaviti:

- "PGL PROTECT" d.o.o. Lukavac,  
Bistarac, Magistralni put bb, Lukavac
- Inspektoru zaštite okoliša- Kantonalna uprava za inspekcijske poslove,
- Federalno minist.okoliša i turizma, ul.Hamdije Čemerlića br.2 Sarajevo,
- Grad Lukavac,
- Evidencija i
- Arhiva.